


偵探小說

紅手套

山麓圖



偵探小說

紅手套

著者吳縣陸澹宣

第十九章

讀我書之上集者莫不惴惴焉爲碧黎女士危以爲火藥蘆船之炸毀碧黎方昏臥舟中池魚之殃必難倖免而不知當時事實固有大謬不然者在也初舟中水手某以助碧黎之故與浮爾丘扭毆被浮擊倒暈絕甲板之上迨威廉與浮爾丘逸去水手卽悠然而甦瞥見舟中烟焰四起火光熊熊將延及炸藥箱之上行見一二分鐘內此舟卽將炸毀大駭躍起狂奔至碧黎之側挾之起立全息呼曰速遁速遁火藥將爆發矣時碧黎亦漸甦星眸微啓斗聞水手言惶駭欲絕精神立振乃與水手疾趨至鷁首相與蹤身一躍投入海中卽在此一剎那間舟中烈焰已蔓延於火藥箱上箱中炸藥立卽爆

發轟然一聲。舟身乃炸爲數百斤飛舞空中。海水被激湧起高至四五丈。碧黎游泳海中。胆俱裂。此時適別有一汽船自海濱駛過。碧黎引吭呼救。舟中人聞之。乃鼓浪而至。將碧黎及水手救起。碧黎自言欲往愛立華城。汽船乃送之登岸。其地距愛立華尙三四十里。碧黎乃疾馳往火車站購票登車。汽笛一聲。往愛立華城而去。

是日午後。霍斯德夫婦子女團聚一室。作家庭之談話。霍夫人以二萬元之酬資。故乃深盼其姪女之來。每與霍斯德言。輒引爲快意之事。狀殊愉悅。霍斯德心甚鄙之。諾諾而已。正議論間。律師梅諾夫忽排闥入。愁眉深鎖。神色倉皇。一似重有憂者。霍夫人見律師歸。欣然躍起曰。蕙蘭來耶。梅諾夫蹙額搖首曰。未也。蕙蘭乃失踪矣。此事甚可怪。余當報警署緝之。語出。霍斯德夫婦皆駭然。夫人急問曰。蕙蘭如何失踪。請言其詳。梅諾夫曰。蕙蘭年雖少。頗

強毅而勇敢。余第一次與彼晤談時。彼卽毅然拒絕。不願與余偕來。雖以百萬之遺產。亦無能稍動其心胸襟坦白。可以概見。嗣後余屢以歸宗爲請。彼卒躊躇不遽允。及今日之晨。始幡然自悔。謂獨居荒村。頗爲危險。願隨余來。此承龔其祖之遺產。余心大慰。乃與之偕出。同登火車。不意登車纔一刻鐘。彼忽離座。他去蹤跡杳然。不知何往。迨車抵此間。亦不見其下車。以余思之。其中或有他變。誠怪事也。霍夫人聞言失望之餘。懊恨殊甚。乃願謂愛吉荔曰。此女生長鄉村。足跡未入城中。一旦來此。必且自慙形醜。故中道而匿跡耳。語未畢。戶忽斗闢。突有一少年工人自外間躍入。挺身矗立視室中諸人而笑。衆人迴顧見之。相與大詫。翳何人。翳何人。蓋卽中途失蹤之碧黎女士也。

梅諾夫見碧黎忽易服爲工人裝子身來。此心乃大訝。急指以語霍斯德曰。

此卽蕙蘭女士也。何以忽作如此裝殊爲可怪。霍斯德聞律師言卽趨前與碧黎握手狀甚和藹含笑曰余盼汝久矣汝能來此余心殊慰願汝安居此間快樂無間以慰汝祖于地下。碧黎唯唯稱謝。梅諾夫復爲介紹於霍夫人。碧黎趨前爲禮。夫人佯爲親嬈之狀擁碧黎于懷俛而吻其鬢。吻已疾轉其身出白巾拭口頻頻蹙額若深惡碧黎之不潔者。碧黎又與愛吉荔握手愛吉荔以左手叉腰徐出其右手迴眸斜睇姿態絕佳。碧黎執其纖指用力稍重愛吉荔大痛柳眉立蹙幾失聲而呼浮納從傍見之爲之莞爾然浮納雅與碧黎嬈握手言懽恨相見晚不若其母與姊之傲慢。愛吉荔見碧黎作工人裝鄙之尤甚私顧謂霍夫人曰彼之裝束抑何村野乃爾。今來我家後亦將常日作此裝耶。夫人曰此亦未必余當取汝之衣飾爲彼易之。彼旣擁有一巨資何虞不能得麗服耶。此時碧黎方與梅諾夫等立而暢談梅諾夫詢

其中途失蹤之故。碧黎嚴守秘密，不欲明言。乃含糊應之。霍夫人在傍懷疑，益甚。已而夫人挈碧黎登樓，導之入臥室。室中陳設頗爲雅潔。夫人令女傭取華服數襲，至請碧黎易之。碧黎深致謝忱。霍夫人乃昂然出室而去。

碧黎抵愛立華之日，威廉與浮爾丘亦追蹤而至。威廉值得碧黎已脫險，現寓霍斯德家中。乃偕浮爾丘往麥濟買公司入謁總理哈利增。哈見威廉忽歸，急問失魂井之事如何。紅手套已奪得否。威廉坐定後，乃喟然歎息曰：「奔波多日，一無所成。今紅手套仍在碧黎手中，殊可恨也。」哈利增驚問其故。威廉乃將歷來經過之情形詳述一過。恨恨曰：「今日我儕之勁敵，厥惟碧黎一人。此女矯健機警，世罕其匹。余與浮爾丘屢爲所窘。紅手套之得而復失者，蓋匪一次矣。言已，卽自囊中出郵局之收據，以示哈利增。哈閱已默然久之。回顧浮爾丘在側，欲言又止。嗣乃低聲謂威廉曰：「余有一事欲與君商。然此

事當守秘密。君宜遣浮爾丘他去。勿爲所聞。威廉領之。乃顧謂浮爾丘曰。君可速往。司屈蘭路。伏於霍斯德家之左近。偷見碧黎出。則潛尾其後。察其何往。速來報我。浮爾丘諾之。乃忽忽而去。哈利增俟浮爾丘出。乃顧謂威廉曰。余聞君與霍斯德家頗有交誼。君離此之前。常往其家盤桓。此言確耶。威廉赧然曰。確也。然余於本公司之事。仍盡力爲之。決不以是有貳心。哈利增慰之曰。余之爲此言。初非疑君有貳心也。君若與霍斯德家善。實於余之計劃頗有利益。威廉訝曰。利益耶。然則君試言之。其利益安在。哈利增曰。君以武力奪紅手套。徒令碧黎生反抗之心。亦殊非計。今君可往霍斯德家求見碧黎。向之謝罪。務須曲意交歡。俾釋曩日之嫌隙。此後可貌爲忠信誠樸之狀。佯與之嫗。苟能得其懽心。便可向之乞婚。君若得碧黎爲婦。則彼寶貴之紅手套。自能入我掌握。紅手套既得。則爾我之大功成矣。威廉猶豫曰。余與

霍斯德之女愛吉荔素有婚約。若復與碧黎嬾殊有不便耳。哈利增曰：君與愛吉荔尚未正式結婚，亦復何害？威廉毅然曰：余爲公司故，當如君所言者行之。碧黎誠能嫁余者，余縱與愛吉荔毀約，亦所不惜。哈利增大喜躍起，與威廉握手，祝其成功。威廉乃告辭而出。

碧黎在臥室易衣，既竟，方對鏡理雲鬢。女傭忽持一小紙包入呈之。碧黎云：自郵局中送來者。碧黎接閱之，乃紅手套也。遂揮女傭出室，獨坐沙發之上，將包裹拆開，取出紅手套，復自手套中將契據等取出，詳閱一過。正展覽間，突有一少年啓戶入室，取籐椅兩只，挾之而出。碧黎驚視之，乃表弟浮納也。時碧黎適默坐于戶後，浮納忽忽出入，未之見也。碧黎見浮納栗碌之狀，心甚異之，乃離座而起，將紅手套藏入卸裝櫃之抽屜中，以鑰鍵之。然後啓戶出視，忽聞對面休憩室中有數人笑語聲甚懽，乃躡足至戶外，就鑰孔中伏。

而窺之。始知其表弟浮納糾集三五少年。正在室中作葉子戲。衆人圍案而坐。案上銀洋紙幣纍纍出入。若甚巨者。其中有一鷹鼻之少年。衆人呼之曰勃雷。支頤含笑。狀極狡獪。其人爲翻戲一流專以賭博誘入工作。僞之術每戰輒勝。是日預以紙牌數張藏之袴腰之囊中。博時乘人不備。潛擲手中之牌於地。出囊中預備者易之。於是浮納及其他諸少年所負甚鉅。一時案上所有紙幣及銀洋大半皆爲勃雷所有。勃雷欣然自得。不料碧梨在門外。乃盡窺其秘。碧梨深惡其人之險。思有以懲創之。遂躡足返臥室。取得手鎗一柄。納之囊中。乃復往休憩室推門直入。衆少年見碧梨突至。相顧驚訝。碧梨珊珊而前。嫣然曰。樂哉。諸君乃伏此作葉子戲耶。余亦願入局。不識君等能見許乎。浮納急躍起阻之。碧梨不聽。衆少年惑於碧梨之豔。咸願其加入。勃雷以其女子也。亦不介意。碧梨乃坦然就座。勃雷取金烟匣出奉之。碧梨碧

梨却之。勃雷乃置烟匣於案上。取紙牌發之。碧梨牌甫入手。突自囊中取手鎗。出以擬勃雷之胸。勃雷大駭。躍起。衆人驟見此狀。相視失色。莫測其故。碧梨厲聲斥之曰。汝敢以卑劣之手段欺人耶。他人可欺。余不可欺也。勃雷聞言。忿然爭辯。浮納等亦未深信。碧梨顧謂衆少年曰。彼僞之金烟匣。卽爲作僞之證據。蓋烟匣之面。光亮如鏡。彼置此匣於案上。然後發牌。則諸君手中之牌。彼皆一一從烟匣中窺見之矣。衆少年試之。果然。勃雷尙齷齪爭辯。謂事出偶然。初非有意。碧梨乃更以桌下之紙牌指示衆客。詳述其暗中易牌之狀。衆見証據確鑿。相與大譁。勃雷明知事已敗露。語爲之塞。乃乘紛亂之時。突將案上銀洋攫得。轉身而奔。碧梨大怒。欲開鎗擊之。浮納恐傷人命。急從傍掣其時。碧梨鎗不得發。一轉瞬間。勃雷已出室下樓遁去。碧梨將浮納之手掙脫。奔至窗口遙見。勃雷已自屋內奔出。躍上汽車。欲駕之而逸。碧梨

立展其好身手。踰窗而出。蹤身躍下。竄入汽車之中。突以手鎗指勃雷之胸。勒令停車。勃雷大駭。震懼不敢動。其時浮納及諸少年亦自屋中奔出。碧梨迫令將奪去之銀洋如數繳還。勃雷嗒焉若喪。不敢違抗。乃將銀幣取出。還之衆少年。碧梨始縱之。令逸。勃雷懷慚無地。駕車遁去。衆少年咸向碧梨道謝。靡不嘖嘖稱羨。譽其義勇。碧梨夷然若不聞也者。藏鎗於懷。珊珊而入。

第二十章

翌日威廉整肅衣冠。往霍斯德家求見。碧梨時霍斯德夫婦及愛吉荔等均已他出。女傭曼萊導之入會客室。威廉潛出紙幣數張。納之曼萊之手。囑其設法盜取紅手套。曼萊惑於重利。欣然諾之。乃登樓。白碧梨謂有客求見。碧梨詢客之姓名。曼萊佯言不知。碧梨大詫。乃下樓赴會客室。足方跨入。瞥見威廉。矗立室中。視已而笑。玉容立變心。乃大駭。威廉脫帽鞠躬。狀甚恭敬。碧

黎怒曰。我始意客爲何人。乃爲汝耶。汝惡魔耳。來此何爲。威廉柔聲曰。密司勿怒。此間爲余舊遊之地。余與愛吉荔女士爲友。歷時已久。密司乃未之知。耶碧黎曰。汝與愛吉荔爲友。與余何關。余殊不樂見汝。謁余何爲。威廉曰。曩日之事。余實受他人之愚。以致開罪於密司。撫躬內疚。深自愧慚。今余已幡然醒悟。痛自懺悔。前此種種。尙乞密司恕之。碧黎恨恨曰。汝爲盜黨主謀。致殺余父奇亞夫。此仇不共載天。無論如何。余決不能恕汝也。威廉脅肩諂笑。以好言媚碧黎。瑣瑣不已。碧梁默然。他顧置之不答。威廉以爲可動也。四顧無人。乃突曳碧黎之左臂。欲擁之於懷。碧黎賊且怒。突舉右掌力攔威廉之頰。清脆有聲。威廉之面乃立赤。急釋碧黎。以兩手護其頰。碧黎戟指罵曰。汝以余爲何人。汝目盲耶。若敢無禮者。余且立碎汝顙。正詬誶間。愛吉荔忽歸。翩然入室。目睹其事。妒忿殊甚。威廉瞥見愛吉荔入。駭且慚。乃趨前與之握。

手。忸。怩。曰。余。昨。自。歷。買。錫。村。歸。頃。乃。來。此。訪。密。司。密。司。適。他。出。不。意。乃。與。密。司。蕙。蘭。遇。余。與。密。司。蕙。蘭。曩。嘗。一。見。於。歷。買。錫。村。異。地。重。逢。故。略。談。近。況。耳。碧。黎。見。威。廉。遁。辨。卽。亦。默。然。愛。吉。荔。佯。爲。無。所。睹。冷。然。曰。君。等。暢。談。衷。曲。與。余。何。關。余。欲。往。遊。赫。德。氏。花。園。頃。遺。一。物。於。家。故。折。回。取。之。耳。威。廉。媚。之。曰。余。聞。密。司。新。購。一。汽。車。輕。迅。華。麗。爲。闔。城。之。冠。余。欲。乘。密。司。之。汽。車。同。往。赫。德。氏。花。園。不。識。密。司。能。見。許。乎。愛。吉。荔。聞。威。廉。譽。其。汽。車。之。佳。始。回。嗔。爲。喜。欣。然。諾。之。威。廉。大。樂。兩。人。遂。置。碧。黎。於。不。顧。相。與。挽。臂。而。出。碧。黎。俟。兩。人。去。悻。悻。登。樓。步。至。臥。室。之。外。正。欲。推。門。入。內。忽。聞。室。中。繇。繇。有。聲。深。爲。詫。怪。急。就。鑰。孔。中。向。內。窺。之。瞥。見。女。傭。曼。萊。方。偃。伏。於。卸。裝。檯。之。前。手。執。小。刀。一。撬。其。抽。屨。之。鍵。碧。黎。大。驚。乃。啓。門。突。入。曼。萊。聞。啓。戶。聲。惶。駭。躍。起。見。碧。黎。忽。至。急。藏。小。刀。於。身。後。倚。桌。而。立。瞠。目。視。碧。黎。怔。慄。失。色。碧。黎。斥。

之曰汝擅入此室意欲何爲曼萊顛聲曰無他頃余遺失一物欲在室中覓之耳碧梨知曼萊尙無所獲亦不明言但呵之令出曼萊不敢復言乃狂奔出室而去碧梨以鑰啓抽屜見紅手套安然在內心乃稍慰默念蔓萊此來必受他人之指使其私啓抽屜蓋欲竊紅手套耳由是觀之此間亦匪安樂土紅手套若仍留此頗爲危險沈吟久之決意挾之而出往晤左阿奶仍將手套歸之令其代爲收藏較爲妥善蓋碧梨未至愛立華之先早於近城之鄉村中租有小屋數椽預爲左阿奶祖孫伏匿之所火車中出示之地址卽所賃之屋也其時左阿奶祖孫已伏居鄉間曾以郵信來報告碧梨碧梨立意旣決遂將紅手套藏之懷中易服而而出僱一街車乘之馳往東郊之密德兒路

當碧梨易衣下樓時女傭曼萊適伏匿於扶梯之後碧梨出曼萊躡其後碧

梨登車。曼萊亦僱一車隨之。左則亦左。右則亦右。如影逐形。緊隨不捨。碧梨在車中。初未之知也。馳數里。碧梨見司機者。屢屢回顧。若有所矚心。乃大疑。急呼司機者。詰之。司機者曰。余見有汽車一輛。追隨於余車之後。殊可疑也。碧梨大駭。乃自車中探首出。向後窺之。則司機者之言良信。碧梨略一躊躇。乃附司機者之耳。授之以計。司機者唯唯。立即振轉其機車。遂折入一小道。後車見之。亦旋車追入。兩車相距僅四五尺。不意碧梨之司機者。突旋其機車。將車身橫梗路中。後車疾馳而至。其勢甚急。兩車險致相撞。幸司機者靈捷。急止其車。未肇禍端。碧梨自車中躍出。見乘車躡其後者。乃爲女傭曼萊。心乃大悟。曼萊驟爲碧梨所見。震驚失措。不得已。亦自車上躍下。忸怩不能聲。碧梨代爲將車資付訖。揮車令去。然後正色斥曼萊曰。汝奉何人之命。乃敢驅車躡我後。汝直以余爲孺子耶。曼萊強辨曰。余何敢躡密司事出偶然。幸

勿見疑。碧黎嗤之曰：天下乃有如是之巧事耶？今汝可歸矣。汝宜歸報彼驅使之。人今日乃不幸而失敗矣。曼萊大慙，默然無言，遂轉身怏怏而去。碧黎斥退曼萊後，意欲躍入車中。司機者忽從傍語碧黎曰：我車車後之號碼異常觸目。人若欲躡我車爲事，固易也。言已，睨碧黎而笑，察其狀似於碧黎之行動不能無疑竇者。碧黎悟其旨，見司機者貌頗雄健，人亦機警，可以羅爲己用。乃嫣然曰：汝言當也。汝操此業幾年矣？司機者曰：余名特恩業此已十餘年矣。碧黎曰：余欲自購一汽車，尙未得一相當之司機人，不識汝願就此職乎？特恩喜曰：此固僕之所求而不得者也。碧黎乃自手提之錢囊中出紙幣一疊付之。特恩曰：汝今日有暇可爲我購最新式之汽車一輛。此紙幣三百元，即可付爲定洋。共該價洋若干？明日向余取之可也。特恩喜出望外，唯唯從命，接取紙幣納之囊中。碧黎乃躍入車內。司機者啓機疾馳。

不一刻已抵東郊之密德兒路。車至小屋之前。碧梨止車。躍下。顧謂持恩曰。余之仇人甚多。恐仍有追躡我儕之後者。汝若見有形跡可疑之人。可連鳴汽笛者。三俾余在室中得早爲之備。持恩唯唯。碧梨遂推門而入。

初碧梨出門時。烏鴉黨魁浮爾丘適奉威廉之命。伺於大門之左。近遙見碧梨出。急僱車躡其後。碧梨以計破曼萊之奸。浮爾丘駐車於百碼之外。盡窺其事。碧梨但知曼萊躡其後。初不知尚有浮爾丘在也。迨碧梨斥退曼萊。驅車赴東郊。浮爾丘仍隨其後。遙見碧梨止車于一小屋之前。忽忽奔入。浮爾丘亦止車。躍下。徘徊戶外。特恩在車上見之。覺其人狀貌猙獰。行止詭秘。得毋卽碧梨之所謂仇人耶。乃遵碧梨之命。連鳴其汽笛者三。此時碧梨在室中。正與左阿奶祖孫互述別後之事。碧梨自囊中取紅手套出。欲付之左阿奶。囑其妥爲收藏。正談論間。忽聞門外汽笛連鳴。作報警之聲。碧梨駭然。